



Javno preduzeće radio televizija  
TUZLANSKOG KANTONA  
- direktor -  
Broj: 1384/18  
Tuzla, 21/06/2018. godine

Na osnovu odredbe člana 39. Statuta JP RTV TK d.o.o. («Službene novine TK» broj: 12/17), a u vezi sa članom 64. stav (1), članom 70. stav (1). i članom 89. stav (3). Zakona o javnim nabavkama (Službeni glasnik BiH broj: 39/14) i uz preporuku Komisije iz Zapisnika broj: 1373/18 od 20.06.2018. godine donosim:

**ODLUKU**  
**o izboru najpovoljnijeg ponuđača**  
**za javnu nabavku terenskog motornog vozila**

I

Donosi se odluka o izboru Ponude (protokol JP RTV TK broj: 1360/18 od 19.06.2018. godine) ponuđača "Guma M" d.o.o. Mostar Bišće Polje bb, 88100 Mostar kao najpovoljnije ponude za nabavku roba - terensko motorno vozilo za potrebe JP RTV TK u iznosu od 29.558,97 KM bez PDV-a.

II

Ponuda ponuđača Guma M doo Mostar proglašava se najpovoljnijom na osnovu provedenog postupka. Za navedeni postupak je bio predviđena E aukcija, koja nije održana jer se prijavio samo jedan ponuđač.

III

Sa odabranim ponuđačem će biti zaključen ugovor kojim će se regulisati međusobna prava i obaveze vezane za nabavku terenskog motornog vozila.

IV

Ova Odluka stupa na snagu danom donošenja i biti će upućena ponuđaču koji je učestvovao u predmetnom postupku javne nabavke.

**OBRAZLOŽENJE**

Postupak javne nabavke pokrenut je Odlukom o pokretanju postupka broj: 1236/18 od 01.06.2018. g. Javna nabavka je provedena putem konkurentskog zahtjeva broj: 1261/18 od 05.06.2018. godine. Konkurentski zahtjev (sa tenderskom dokumentacijom) objavljen na portalu javnih nabavki pod brojem: 90-7-1-220/18 od 06.06.2018. godine. Obavještenje o nabavci

objavljeno je u Službenom glasniku BiH broj: 38/18.

Konkurentski zahtjev za nabavku terenskog motornog vozila (sa cjelokupnom tenderskom dokumentacijom) su preuzeli ponuđači Ekapija, Remont i servis motornih vozila doo Tuzla, Guma M doo, BBS Europe, SLT doo, Balkanske istraživačke mreže, (dana 06/06/2018. g) Auto Centar Ganjo (dana, 07/06/2018.), Lada Auto, Berlijeta doo (dana, 08/06/2018.)

Komisija je blagovremeno izvršila javno otvaranje ponuda dana, 20.06.2018. g. u 12 h i sačinila Zapisnik o otvaranju ponuda i Zapisnik o ocjeni ponuda. Komisija je konstatovala slijedeće:

- Na navedeni zahtjev zaprimljena je jedna ponuda Guma M Mostar.
- Nije bilo neblagovremenih ponuda.
- Ponuda Guma M Mostar je blagovremena i prihvatljiva.
- Iznos ponude Guma M Mostar je 29.558,97 KM bez PDV-a.

Za navedeni postupak je predviđena e aukcija, ali uzimajući u obzir da je ponuda Guma M doo Mostar jedina zaprimljena ponuda e aukcija nije održana

Nakon izvršene procedure i postupajući po preporuci Komisije za nabavke kao najpovoljnija ponuda izabrana je ponuda Guma M Mostar.

Prilikom donošenja Odluke u obzir je uzet član 89. stav (3) kojim je propisano da: »Kada ugovorni organ zaprimi jednu prihvatljivu ponudu, dodjeljuje ugovor tom ponuđaču i to najkasnije u roku od deset dana od dana okončanja postupka javne nabavke.« Takođe prilikom donošenja Odluke o izboru ponudica iz člana 1. ove Odluke u obzir je uzeto i to što je isti ponudio cijenu koja vrijednosno odgovara planiranoj vrijednosti predmetne nabavke ugovornog organa.

**Pouka o pravnom lijeku:**

Protiv ove odluke, nezadovoljna strana može uložiti žalbu JP RTV TK u roku od deset dana od dana prijema ove Odluke.

Dostavljeno:

- Ponuđači
- a/a



JP RTV TK-Tuzla  
direktor

Almir Mulabećirović